



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 2. Vtrum Deus sit vetus, siue vnicus.

[urn:nbn:de:hbz:466:1-76990](#)

mà hominis, sed etiam est vnicum animal, & vnicum viuens corporeum in speciebus subalternis animalis, & viuentis corporis. Et Deus quidem antequam vnam creaturam crearet non solum existebat vnicus in sua infinita specie Deitatis, sed etiam in omnibus alijs tam intermediijs, quam supremis, in quibus cum ceteris entibus logicè conuenire potest. Sicque tunc non tantum existebat in rerum natura vnicus Deus, sed etiam vnicum intellectuum, vnicum volituum, vnicum viuens, vnicus substantia, vnicus spiritus, vnicum ens, vnicum bonum, vnicum verum, &c.

Mis positis, certissimum est, datà etiam hypothesi, quod existent plures Dij, adhuc vnumquemque eorum fore vnum unitate transcendentali; tametsi non foret unus unitate solitudinis: quia vniusquisque eorum in ea hypothesi est indistinctus in se, in plures tales, qualis ipse est; tametsi non carceret consortio aliorum in eadem specie Deitatis, seu atomà, seu subalterna eum ipso conuenientium. Quemadmodum defacto vniusquisque hominum unus est unitate transcendentali: secus vniuersitate solitudinis: quia vniusquisque est indistinctus in se, in plures tales, qualis est ipse; non vero est expers consortio aliorum in eadem specie humanitatis cum ipso conuenientium. Vnde patet, si sit sermo de Deo nostro vero tanquam de vnico ente singulari, certissimum esse, atque evidenter, esse illum unum Deum unitate transcendentali: quia planè constat, illum ipsum plures non esse: tantumque verti in questionem posse; an sit ille quoque unus, sive vnicus Deus unitate solitudinis, expers videlicet consortio alterius, aut aliorum Deorum. Quemadmodum certissimum est, atque evidenter, hunc Mundum singularem, vnum esse unitate transcendentali; tantumque verti in questionem potest, an etiam sit vnicus, ita, ut non sint alter, aut alijs Mundi existentes, simul cum ipso. Porro querere singulariter de nostro singulari Deo an sit unus unitate solitudinis, atque adeò vnicus, sive solus in specie Deitatis: & querere quasi vniuersè verum in specie Deitatis sint plures Dij, vel unus tantum, in idem omnino reocedit, ut ex se patet.

QVÆSTIO II.

Noticissimus est ex historijs Idolatrarum error, qui plures Deos sibi finxerunt, ac venerati sunt. Contra quos fuisse scripsierunt Iustin. in Parænæ ad Grecos, Clemens Alex. orat. exhort. ad Gentes, Tertullian. in Apologet. aduersus Gent. Athanas. orat. contra Idola, Achenagor. Athenien. in legat. pro Christian. tom. 9. Bibliot. Parætrum, Tatias. Alyrius orat. contra Grecos, Theodorets lib. 1. hereticarum fabularum, & alijs. Cæterum, cum plerique factem eiusmodi Gentilium Idolatrarum, alios suorum Deorum ab alijs procreari putarent, veram in illis omnibus diuinatem in predicato entis se consilientem, aut illud includentem non agnoscabant. Tametsi ipsi quamdam, & abusum diuinitatem in quadam superioritate, seu dignitate, seu excellentiâ consilientem illis tribuerent, ut est certum ex his historijs de eiusmodi Dij Gentium tractantibus.

Ex hereticis autem primis, qui posuit duos

Deos, alterum bonum, & alterum malum, fuit Apelles, ut referunt Epiphanius, hæresi 44. & Augustinus, hæresi 23. à quo Apelliani dicti sunt. Qui quidem Apelles Mundum hunc visibilem à Deo malo factum esse commentus est; ita, ut illius Deus bonus nullam curam geteret. Cæterum, quia dicebat Apelles, Deum malum à Deo bono factum esse; neque duo principia, à quæ prima ceterarum rerum ponebat; revera vnum tantum ponebat ens à se; atque ita Deum vnum, à quo extera omnia tanquam entia creata suam originem traherent.

Manichæus vero, ut scribit Epiphanius, hæresi 66. & Theodoret. lib. 1. hæretic. fabul. cap. vii. non modo duo Principia, seu duos Deos posuit, alterum bonum, & alterum malum; sed etiam eos ingenitos, sive increatatos, coæternosque, & sibi inquietum contrarios esse affirmauit. Et malum quidem Deum tenebratum corpore, visibilis Auctorem creature; bonum vero Deum lucis incorpore, atque invisibilis Conditorem appellavit.

Verum enim vero ante Manichæum Cerdon tempore Hygini Papæ teſte Epiphanius, hæresi 41. Irine lib. 1. aduersus hæret. cap. 28. Tertullian. lib. 1. de Prescription. hæret. cap. 51. Eusebius lib. 4. Hist. cap. 10. & ipsum Cerdonem postea sequutus Marcion, ut referunt Epiphanius & Eusebius ibidem, Irine cap. 29. & Tertullian. lib. 1. aduersus Marcion. cap. 6. duos etiam Deos adiunxit. Alterum ignotum Mundo, quem Parentes dicebant esse Christi, Auctoremque noui Testamenti, & bonum appellabant. Alterum vero fatus notum hominibus, quem iustum, id est vindicem scelerum; aut etiam saevum, & crudelē; ut exponit Vaz. 1. p. 17. cap. 1. Auctoremque Testamenti veteris esse dicebant. Itaque in eo Manichæus, ut Cerdon, aut etiam Marcion visiderunt consenserisse, ut ex Auctoribus citatis colligit Vaz. loco citato, quod duos Deos, alterum bonum, & alterum malum adiunxit. Nisi quod Cerdon, aut etiam Marcion omnium rerum opificium attribuebant Deo malo. Manichæus vero quarundam rerum præ alijs apud ipsum bonarum productionem Deo bono reservabat. Porro vero Manichæis consenserunt Priscillianisti, qui in Hispania a Priscilliano Abulensi originem traxerunt, ut scribit Leo 1. epist. 91. ad Turibium c. 14. ubi eorum damnat errorem. Deinde Albigenses noui Manichei in Gallia tempore Innoc. 3. ut Auctor est Antonin. 3. p. Hist. tit. 19. cap. 14. Præterea Tritheitas, sumptu occasione ex mysterio Trinitatis, dixerunt tres Personas esse tres Deos. Fuit autem hic error Peratratum apud Theodoret. lib. 1. hæret. fabul. cap. 18. Tribuitur que etiam Joanni Philopono, ut refert Nizophon lib. 18. cap. 48. Et Abbati Joachimo, qui videtur docuisse, tres Personas esse tres essentias; Deumque esse vnum dumtaxat per collectionem, sicut dicitur esse una Ecclesia, prout colligitur ex cap. Firmiter de Summ. Trinit. & fide Cathol. quod est Concilij generalis Lateranensis sub Inocencio 3. Tribuit etiam Bernardus Lucemburgensis errorum istum Raymundo Lullo. Sed hanc tanquam calumniam rejecit Vaz. 1. p. q. 1. art. 3. Denique eundem errorum amplexati sunt multi ex nouioribus hereticis, ut Valentinus Gentilis Jacobus Schekius Lutheri discipulus, Philippus Melanchthon. Imo Lutherus ipse, Calvinusque, & Beza, ut videre eit apud Bellarm. lib. 1. de Christo cap. 2. Petavi. tom. 1. de Theolog. Dogmat. lib. 1. Recupit. lib. 5. de Deo q. 3.

Pro.

Propositio I. utrū omnino

De fide est, Deum unum omnino, siue unicum profus esse.

Id enim imprimis passim contestantur sacerdoti Scriptura. Deut.4. *Vt scires, quoniam Dominus ipse es Deus, & non est aliud prius eum.* Et cap. 6. *Audi Israël, Dominus Deus noster, Dominus unus est.* Et cap. 32. *Videte, quod ego sum solus, & non sit aliud Deus praeterea.* 1. Regum 2. *Non est sicut unus, ut es Deus;* neque enim est aliud extra te. Psal. 82. *Tu solus altissimus in omni terra.* Plal. 85. *Tu es Deus solus.* Sapi. 22. *Non enim est aliud Deus, quam tu.* Cui cura est de omnibus. Isaia 43. *Ego sum.* Ego sum Dominus, & non est absque me Salvator. Osee 13. *Deum absque me nescies, & Saluator non est, praeter me,* Ioan. 17. *Hac est vita eterna; ut cognoscatis eum solum Deum verum, & quem missisti Iesum Christum.* 1. ad Corinth. 8. Scimus, quia nihil est Idolum in Mondo: & quod nullus est Deus, nisi unus. Ad Galat. 3. *Deus autem unus est.* 2. ad Timot. 6. *Regi seculorum immortali, & inuisibili soli Deo &c.* Præter innumera alia scriptura loca, in quibus manifeste supponitur, Deum nostrum unicum esse. Dum enim scriptura aliquid à Deo dicit, factum, cogitatum, aut decretum referens Deum simpliciter nominat, neque addit hunc, aut illum, aut aliquem Deum, manifeste significat, Deum unicum esse. Alioquin ineptissimè diceretur, Deus creavit cœlum, & terram; laude Deum; Deus præcepit; Deus adiuvia me, &c. nisi pro certo supponeretur, nullum alium Deum reperiri, praeter unicum. Quemadmodum, quia unicus tantum Sol reperitur, dum de eo loquimur simpliciter, illum nominamus absque ullo additamento determinante: quia ut ab omnibus notissimum supponimus, illum unicum esse.

Definita præterea est unitas hæc in multis Conciliis ab Ecclesiâ, & tradita in Symbolis, quibus articulos fidei præcipios profitemur, ut videre est in Symbolo Niceno incipiente. *Credo in unum Deum Patrem omnipotentem factorem cœli, & terra, visibilium omnium, & inuisibilium.* Quibus Manichæorum, Marcionistarumque hæresis expressè profligata est. Et in symbolo Athanalij incipiente. *Quicunque vult salvi esse, ante omnia opus est, ut teneat Catholicam fidem.* Fides autem catholica hæc est, ut unum Deum in Trinitate, & Trinitatem in unitate veneremur. Quibus, & pluribus sequentibus expressè excluditur hæresis Trinitatitum. In Concilio autem generali Lateran. sub Innoc. 3. prout refertur in cap. Firmiter, dicitur. *Sum. Trinit. & fide cath. sic habetur. Firmiter credimus, & simpliciter confitemur, quod unus solus est verus Deus eternus, immensus, & incomprehensibilis, omnipotens, & inessibilis.* Pater, & Filius, & Spiritus sanctus: tres quidem persona, sed una essentia, substantia, seu natura simplex omnino. Et infra. *Unum viviuerorum Principium, creator omnium visibilium, & inuisibilium, spiritualium, & corporalium, &c.* Quibus omnes commemorati erroris penitus sunt conuulsi. Cetera tum conciliorum, tum etiam Patrium testimonia, quæ passim sunt obvia pro prædictâ veritate catholicâ apud Bellarm. supra cap. 3. & apud Petavi. cap. 8. videri posunt.

Quomodo autem in eandem veritatem catholicam de unitate Dei omnes Philosophi sapientes, quantumvis ethiici, & quique alij Sapienti-

tes totius Antiquitatis planè consenserint, latissimè, eruditissimeque demonstrant, illorum testimonij distincte, & sigillatim relatis, Tertullian. in lib. Apologet. aduersus Gent. August. lib. 8. de Ciuit. Dei. Justin. lib. de Monarchia Dei, & in Cohortatione ad Græcos, & in Orat. pararet. ad Gent. Cyril. Alex. lib. 1. contra Julianum. Laçant. lib. 1. Diuinar. institut. & Eugubin. lib. 3. de Perenni Philosophia per multa capita. Ex hisque, & alijs noster Gylilius lib. 2. de Deo trac. 3. cap. 6. & Recupit. lib. 5. de Deo q. 12. Quo circa meritò dixit Paulus Orosius lib. 6. Histor. paulo post principium. *De uno Deo omnium pene una opinio est.* Et S. Th. t. p. q. 12. art. 3. ait. *Vnde & antiqui Philosophi quasi ab ipsa coacti veritate posuerunt unum tantum principium.*

Verum contra veritatem catholicam obijci potest pro Manichæis, & Priscilianistis. Multa eveniunt in Mondo mala mixta cum bonis; neutrorumque admitti potest progressus à parte ante infinitus. Ergo adiutoria sunt duo principia prima, atque adeò duo entia à se; (qua subinde necessario erunt duo Dii); alterum bonum, à quo suam originem trahant bona; & alterum malum, à quo suam originem trahant mala. Neque enim potest illud ens, quod principium bonorum, atque adeò bonum in se est, malorum quoque esse principium: quia titulo principij primi malorum non posset non esse in se malum. Atque ita fieret, ut idem ens in se, & à se esset simul bonum, & malum. Quod est impossibile. Et confirmari potest. Quia supposito, quod intra genus entis ab alio sunt aliqua entia bona, & aliqua mala, non est, cui intra genus entis à se non sit item aliquid ens malum, & aliquid bonum. Vel dicatur, cur fuit necessarium, quod esset unum ens à se bonum; & non fuit quoque necessarium, quod esset unum ens à se malum?

Pro solutione evidentiore suppono primum ex dicendis latius infra disp. 15. duplex imprimis esse bonum. Aliud absolutum, quod in se est bonum. Aliud relativum, quod alteri est bonum. Et relatum quidem bonum in honestum, vtile, & delectabile dividitur. Absolutum autem in id, quod per suam essentiam præcisè, atque adeò essentialiter bonum est, & in id, quod per accidens sibi adiunctum, atque adeò accidentaliter euadit bonum, est dividendum. Ex quibus bonum absolutum essentials (in quoque denum conceptu consistat eius formalis bonitas) cum ente reciprocatur; atque ideo bonum transcendentis, & passio entis dici solet; bonitasque constitutiva eius transcendentalis appellatur. Et quod nullum est excogitabile ens existens in rerum natura, quod ita genere bonitatis transcendentalis perse, perque suam substantiam, sive essentiam, non sit in se absoluto bonum, atque adeò amabile, seu dignum, quod amerit in se. In quo etiam Manichæus errauit, alterens esse alias creaturas in se, & per se substantialiter, sive essentialiter malas, atque adeò indignas, qua anarentur, & createntur à bono Deo. Ut refert, refutatque August. lib. 2. de moribus Manichæorum à cap. 1. viisque ad 8. & lib. de natura boni cap. 16. saepè alibi. Cuius assertionis opposita de fide est, dicente Paulo 1. ad Timot. 4. *Quia omnis creatura Dei bona est.* Et definitio Concilio Lateran. prout habetur cap. Firmiter, de summa Trinit. & Eide Cath. quod Deus est unum viviuerorum principium, creator omnium visibilium, & inuisibilium, spiritualium, & corporalium: qui sed

A A A om.

omnipotenti virtute simul ab initio temporis viramque de nihilo condidit creaturam, spiritualem, & corporalem, angelicam videlicet, & mundanam, ac deinde humanam quasi communem ex spirito, & corpore constitutam. Diabolus enim, & alij Dæmones à Deo quidem natura creati sunt boni; sed ipsi per se facti sunt mali, &c. Quo circa dixerunt Boet. lib. Hebd. cap. 2. & August. lib. 83. qq. q. 24. Omne, quod est, in quantum est, bonum est. Et Arist. lib. 1. Ethic. cap. 7. Bonum aquæ diuidi, ac ens.

Hinc venit supponendum secundò, quod, licet in Mundo sint multa positioia entia mala malitia relativa tum moralia, tum etiam physica opposita bonitati relativa; aut etiam malitia per accidens absoluta opposita bonitati absoluta per accidentem, ut expressè docet August. lib. de natura boni citato cap. 4. impossibile tamen est, quod sit ens aliquod positivum absoluta malitia malum perse, sive per suam essentiam; atque adeo essentialiter cum sit necessarium, quod omne ens positivum sit perse, sive per suam essentiam bonum bonitate, absoluta. Vnde malitia (si qua est) huiusmodi bonitati absoluta, & essentiali entium opposita in pura carencia, seu priuatione, seu negatione, utris debet necessariò consistere. De quo plura sunt à nobis dicenda infra disp. 15. vbi videtur ad rem poterunt.

Ex his facilimè sese dat solutio ad argumentum factum, & ad eius confirmationem. Etenim omnia mala, que sunt in Mundo, sive sunt mala moralia culpa oriunda à vitio arbitrij creati, sive sunt mala physica peccata, alterius veridicacionis naturalis, cum sunt positiva, quoad positivum physicum, quod important, sufficientem, bonitatem transcendentalē habent, ut à principio primo bono possint oriri; cum vero sunt priuationa, seu negativa, nullo egeno principio sui, nedium primo; quia sunt mere nihil iuxta doctrinam viuueralem de negationibus datum à nobis in Pharo Scient. disp. 9. q. 3. Pro nullis igitur malis eorum, que sunt in Mundo mixta cum bonis, nullum principium primum malum adstrui debet. Quin potius, esse illud omnino impossibile, et si omnino sit necessarium principium primum bonum, inde fit manifestum: quia non posset illud non esse ens, eoque titulo iuxta suppositiones factas substantialiter bonum, & simul, ut ponitur, substantialiter malum; atque adeo non bonum, substantialiter. Quid est chymaricum.

Ex dictis sufficienter manent confutati Cerdonista, & Marcionista, quatenus etiam duos Deos alterum bonum, & alterum malum quomodo ponabant. Quatenus vero alterum vindicem scelerum veteri Testamento, & alterum misericordem novo applicabant, aperte opponebantur sacrae Scripturae unicum tantum Deum pro veroque Testamento adstruendi. Ait enim Paulus ad Hebrei 1. Multifariam, multis modis olim Deus loquens Patribus in Prophetis, nonissime diebus istis loquens est nobis in Filio. Quibus clarissime significat, eundem omnino veteris, ac nouae Legis esse Deum. Id quod testatus est quoque Christus Dominus Ioh. 8. cùm dixit Iudeis. Est Pater meus, qui glorificat me, quem vos dicitis, quid Deus vester est. Seipsumque que alias in sacra Scriptura aut supponitur, aut exprimit idem ipsum. Sed quid in ijs insanijs tam sine fundamento dicitis refellendis moratur?

Denique pro Triuheitis solum potest nobis opponi difficultas mysterij, in quo Fidei potissimum submixi credimus cum Trinitate personarum

vnitatem essentia; atque ita Deum unicum esse omnino; tametsi in personis tripli sit. De quo mysterio latè agunt Theologi in tract. de Trinitate.

Propositio 2.

Deum omnino unum, sive unicum, prorsus esse, multis rationibus naturalibus demonstratur.

Sit prima, quæ desumi potest ex predicato omnimoda infinitudinis, quam Deus habet evenerit oriundam ex predicato, quod Deus etiam habet, cintis à se demonstrato à nobis supra disp. 1. Eo enim ipso, quod aliquid ens habet esse à se circa omnem causam sui, necunde habet à quo taxetur magnitudo eius; ipsiusque proinde infinitudo non potest non esse omnimoda in omni genere. Vi autem sic talis, necesse est, quod illud aut formaliter, aut eminenter contineat in se omnem omnino excoigitabilem perfectionem. Formaliter quidem omnem excoigitabilem perfectionem identificatam sibi. Eminenter vero omnem excoigitabilem perfectionem distinctam à se. Hanc autem eminenter in se continere non potest, nisi sit principium factuum eius. Undeht, vt ens à se titulo talis non possit non esse fons, sive fontale principium omnian omnino aliorum entium distinctionum à se. Ex quibus omnibus evidenter concluditur, non posse non ens à se, atque adeo Deum unicum prorsus esse. Si enim entia à se essent plura, quodvis corum titulo talis omnem entitatiam perfectionem aliorum contineret in se emineinter, cauilaque subinde esset factua eorum iuxta dicta. Atque ita & essent entia à se, vt supponitur, & non essent entia à se, sed ab alio. Quod est aperta contradic̄tio. Quare, qui admittit plures Deos, nullum admittere re ipsa necesse est. Quia in nullo plurium potest est infinitudo diuinitatis propria, essentialiterque proinde diuinitati debita. Quo circa dixit Tertull. lib. 1. contra Marcion. cap. 3. Deus, si non unus est, non est: quia dignus credimus non esse, quodcumque non ita fuerit, vt esse debet. Et Athan. Orat. contra Idola. Multando Numinum nullitas Numinum.

Secunda ratio desumi potest ex plenitudine, bonitatis, seu perfectionis, quam Deus titulo etiam entis à se necessariò debet habere tum ab omni penitus imperfectione immunem, tum omnem perfectionem simpliciter simplicem, que melius sit ipsa, quam non ipsa, comprehendentem, prout demonstrabitur inferius disp. 16. Hoc enim iure Deus (vt fert commune, receperumque ab omnibus axioma) nequit non esse tale ens, quo minus aliud, sine melius cogitari non possit. Et nullus eorum esset talis, si forent plures Dij. Proindeque neque essent Dij contra ipsam suppositionem. Etenim, quod aliqua res in tota viuueritate rerum sit excellentissima omnium, perfectio est simpliciter simplex, que in tali re melius est ipsa, quam non ipsa, vt talis ex se appetat. Ergo Deus iuxta dicta necessariò debet esse res excellentissima omnium in tota viuueritate rerum. At plures res eijsmodi esse non possunt, quia unaquaque carum esset perfectior, & simul minus perfecta, quam qualibet alia; quod plane repugnat. Ergo in tota rerum viuueritate non possunt esse plures Dij. Vel aliter, Si Deus non esset ens excellentissimum omnium, ens melius ipso cogitari posset, nempe ens excellentissimum omnium;

ut ex se patet. At ens melius Deo cogitari non potest, ut statuimus. Igitur Deus est ens excellens omnium. Sed repugnat esse plura entia, quorum quodvis sit excellentissimum omnium; uti monstratum est. Ergo repugnat esse plures Deos. Similiter, habere dominum ceterorum omnium entium, & sub nullius eorum domino esse, manifestè est perfectio simpliciter simplex, atque adeò conueniens Deo iuxta dicta. Sed repugnat, quod sint plura entia, quorum quodvis dominum habeat ceterorum omnium, & sub nullius eorum dominio sit. Ut est notissimum: quia unumquodque talium simul esset, & non esset sub aliorum dominio. Ergo repugnat esse plures Deos. Rursum similiter, præfæ ceteris omnibus entibus, & nulli subiecti, perfectio est simpliciter simplex, atque adeò conueniens Deo. Sed repugnat esse plura entia, quorum unumquodque præsit ceteris omnibus, & nulli subiecti, ut constat ex dictis in finili. Ergo repugnat esse plures Deos. Præterea, esse unicum ceterorum omnium entium principium primum, & fontem totius esse, totiusque perfectionis, & bonitatis; esse ens incompatible cum alio quopiam habente similem dignitatem, maiestatem, iurisdictionem, dominiumque in rerum vniuersitate, cvidenter sunt perfectiones simpliciter simples, quæ iuxta dicta Deo deesse non possunt. Compertum est autem, eas illi conuenire non posse, nisi unicus sit. Ergo est unicus, habere cum alio quopiam in rerum vniuersitate diuisum imperium, potentiam, iurisdictionem, dominium, diuitias intrinsecas, & extrinsecas, & cetera huiusmodi imperfectiones sunt manifestæ. Igitur non possunt illi conuenire Deo iuxta etiam dicta. At conuenient illi planè, nisi unicus esset. Igitur, ne illi conuenire dicantur, unicus esse omnino dicendum est.

²⁶ Tertia ratio. Non possunt esse plures Dij in multitudine finitam, non in infinitam. Ergo in nulla. Consequentia est bona. Probo antecedens quod ad primam partem. Quia cum nulla sit excogitabilis ratio, cur Dij sint plures in tanto potius, vel tanto numero, quam in maiore, vel in minore, in nullo vtique esse plures censendi sunt. Deinde quoad secundam. Quia, præterquam quod nemo somniauit multitudinem Deorum esse infinitam; eo quod vel ex ipsis terminis est satis evidens, talem multitudinem esse planè impossibilem; omnia argumenta, quibus expluditur quavis pluralitas Deorum, longè evidenter è medio collunt pluralitatem infinitam eorum. ut discurrendo per singula quisque comperiet. Quod si in unico vero Deo necessariò sunt tres personæ, nec plures nec pauciores. Huius optima ratio redditur. Namrum: quia, cum verus, & unicus Deus sit necessariò intellectius, & volitus, duas omnia operationes ad intra alteram per intellectum, & alteram per voluntatem, nec plures, nec pauciores necessariò debet habere; & consequenter tres omnino personas, unam improductam, & duas productas, nec plures, nec pauciores in unitate essentia ipsi communis, prout latius exponiatur à Theologis in tract. de Trinitate.

²⁷ Quarta ratio. Si darentur plures Dij, aut essent inter se inaequales quoad perfectionem, aut æquales. Sed neutrum est possibile. Ergo non dantur. Cetera patent. Probo minorem. Et primum, quod non possunt esse inaequales. Quia, cum æquæ haberent esse à se, ut supponitur, (nam alias Dij non essent), necunde alicuius eorum,

taxari, aut minus posset perfectio; ut minor illæ quoad perfectionem euaderet, quam cæteri; ut constat. Quod autem nec possent esse æquales ob titulum, quem omnes haberent essendi à se, inde ostenditur; quia ob eundem titulum esset aggregatum omnium æquale singulis. Aliundeque non posset non esse maius; quia omne totum maius est sua parte: præterim quando pars ne ementer quidem continet quantitatem aliarum partium; uti eueneret in proposito. Sicque aggregatum talium Deorum & esset unicuique eorum æquale quoad perfectionem ob eundem titulum, quem haberent essendi à se omnem inæqualitatem in ipsis, quæ sunt à se, recusantem propter rationem dictam; & esset maius illo ob titulum totius, & partis. Atque adeò æquale illi simul, & inæquale. Quod est chymæricum.

²⁸ Quinta ratio. Si darentur plures Dij, aut essent inter se inaequales quoad potentiam effectuam aliorum entium, aut æquales. Sed neutrum est possibile. Ergo non dantur. Cetera patent. Probo minorem. Et primum, quod non possent esse inaequales quoad talam potentiam. Quia, cum æquæ haberent esse à se, ut supponitur, nec unde posset virilis eorum minus potens, quam alijs euadere; ut est notissimum. Quod autem nec possent esse æquales quoad talam potentiam, inde probatur: quia ex ipso, quod essent æquales, nullus esset omnipotens, sed omnes imbecilles, & impotentes ad operandum, prout vellent. Quod planè est à Deitatè alienum. Proindeque Dij non essent; ut ponebatur. Etenim unusquisque eorum titulo Deitatis non posset non esse agens plenè liberum ad ponendum in rerum natura: quamlibet creaturam possibilem, ad impediriendum ne poneretur, prout sibi placeret. Fieretque, ut unusquisque eorum titulo propriæ Deitatis plenè liber, & potens esset ad præstandum quidlibet, prout sibi placeret; simulque titulo confortij Deitatis alienæ ad nihil plenè liber, & potens esset. Quod est contradicatio. Pone enim id, quod in eo casu necessariò esset possibile, quod Deus A efficaciter vellet, existere creaturam, & quod Deus B efficaciter nollet, eam existere, aut efficaciter vellet, existere aliam illi essentialiter oppositam. Certè tunc ex una parte alterius Dei voluntas deberet necessariò frustrati; quia amborum voluntates simul non possent impleri; ex aliâ vero parte non esset, cur altera potius, quam altera frustraretur: cum essent quoad efficaciam protinus æquales. Sicque vel utraque, vel neutra frustranda foret, aut ambæ simul uno titulo frustrari deberent, & alio non frustrari. Ambæque tum, æquæ validæ essent, tum æquæ imbecilles. Mediusque illis Dij eas habentes sic rixarentur, ut uno titulo ambo vixint, & altero ambo etiam vici remanerent. Quæ omnia plena contradictionibus sunt; ut patet. Præterquam quod rixæ, & contentiones, quales inter plures Deos liberos necessariò essent possibles, aliunde ab imperfectione, & malitia, quam secum ferunt, non possunt non esse impossibilis vera Deitati. Hoc fermè modo contra pluralitatem Deorum iam dudum argumentatus est Xenophanes lib. 1. Mythologia cap. 7. inquiens. Si plures sint Dij, necesse est, eos esse vel pari, vel impari potentia. Si sint quidem impares; quo parvæ debilitores sint Dij, ipse viderit. Si omnes pares existunt, & nolens alium volentem impedit; res iam neque fieri, neque non fieri poterit: quod non potest sine risu intelligi. Multa igitur odia, & pugna multa, & affidæ inter Deos intercedent:

A A A 2 quo-

quoniam semper intercedent causa. Quod etiam spectat, quod antea dixerat Trismegitus 2.p. Pi- man, serm. 1. *Impossibile est, plures esse factores.* Neque enim ordo unus servaretur in multis; namque, qui inter illos imbecillus esset, potentior inuidetur; ex quo sedis oritur. Consonat Athan. in orat. contra Idola dicens de Diis duobus. *Aequum in ambabus esset potestas, & imbecillitas.* Par quidem potestas; quod alterius voluntatem vincere eo ipso, quod alterius inuitio esse posse. Par item imbecillitas; quod nolentibus ipsis, ea, qua nollent, evenient: siquidem unus prater alterius voluntatem existet.

29 Sexta ratio affinis precedenti desumitur ex prestantissimâ gubernatione, qua vniuersitas rerum naturaliter administrari debet; defactoque citra omne dubium administratur; vt & experientia monstrat, & ratio suadet; quia natura temper intedit quod melius est, vt bene notauit Arist. lib. 1. de generat. animal. cap. 4. Prestantissima autem gubernatio Monarchica est ab unico supremo Principe descendens. Ab unico ergo Deo tanquam ab unico supremo Principe debet vniuersitas rerum gubernari, atque gubernatur de facto. Unicus ergo est Deus. Quod autem optima omnium gubernatio Monarchica sit, concors Sapientium sententia est, vt apud Platonem, & Aristotelem, aliosque in suis Politicis videlicet. Quare Arist. ipse lib. 12. Math. fine hoc argumento probat unitatem Dei dicens. *Entia nolent male gubernari.* Non est bona pluralitas principatum. Unus ergo Princeps. Et in lib. de Mundo ad Alexandrum ait. *Quod in una est gubernator, in curu auriga, in choro praeenter, in ciuitate lex, in exercitu imperator, hoc in Mndo Deus.* Et Lactant. lib. de ira Dei cap. 11. Non posse, inquit, in hoc Mndo plures esse rectores. Neque in una domo multi domini. Neque in natura rara multi gubernatores. Neque in armendo, aut grege duces nulli. Sicut neque anima plures in uno corpore. In his namque omnibus, vt vnitatem ordinem, sic pluralitas confusionem, ac dissensionem parit. Quo circa eisdem Cyprian. in Prologo lib. de operib. Christi Cardinal. Non potuerunt multa, & diversa xerem esse principia; quia usque ad unum cuiuslibet respicerent, discorserent, & infinitate conflaturbara voluerentur in chaos; & repugnarent, & colliderentur in se discordes materia: nisi omnibus factoris autoritas imperaret; & unus Monarchia potestatis causas, & efficiencias ordinaret. Et Damasc. lib. I. de fide cap. 5. Quo patto ab hismodi multis gubernabitur Mundus, & non disoluatur, ac corrumperetur, attentus in his ipsis gubernantibus pagina? Differentia cum contrarietatem inducit.

30 Septima ratio pro vnitate Dei sumi potest ex predicatione entis perfectissime primi, quod Deus citra dubium debet habere ostiendum item à predicatione entis à se. Ratione cuius non solum repugnat Deo, esse posteriorem, sed etiam non esse priorem quolibet alio ente in omnibus seriebus prioris, & posterioris secundum naturam, de quibus egimus in Pharo Scient. disp. 1., nimur. in serie dignitatis, seu perfectionis, in serie originis, seu causalitatis, in serie durationis, & in serie inconnexionis non mutua. Ad perfectissimam quippe primitatem Dei spectat, non solum non esse posteriorem natura sua aliquo alio ente, sed etiam esse omni alio priorem, atque adeo simpliciter primam in quibus dictarum serierum. Ex eo autem, quod in quibus earum sit Deus sua natura primus, necessario infertur, quod sit unicus. Nam, esse Deum primum simpliciter in serie dignitatis, est esse ens excellentissimum, &

perfectissimum, sive optimum omnium. Cum quo stare nequit, quod aliquod aliud ens sit Deo, quia planè repugnat, esse Deum id, quod est minus bonum, seu minus perfectum, quam aliud ens. Et esse Deum simpliciter primum in serie originis, seu causalitatis, est ipsum causam sui non habere, & cetera omnia esse ab ipso tanquam à causa. Cum quo similiter nequit stare, quod sint plures Dij, vt constat. Et vero Deum simpliciter primum in serie durationis, est ita extitile eum necessario ab aeterno, vt cetera omnia entia post ipsum inciperint, aut saltem puerint incipere in tempore. Cum quo item nequit componi pluralitas Deorum, sive entium à se; quia de conceputu entis à se est, non posse incipere in tempore; vt constat ex demonstrationibus factis disp. 9. quæst. 1. Denique, esse Deum simpliciter primum in serie inconnexionis non mutua, est ipsum cum nullo alio ente prout existente esse connexum, & cetera omnia entia cum ipso prout existente connexa esse. Cum quo etiam pluralitas entium à se consilere nequit. Quia ex pluribus entibus à se non est, cur vnum, cum alio potius, quam hoc cum illo, connexum est. Quare, vt cetera entia cum Deo sint connexa non mutuo, quo evadat Deus in illa serie simpliciter primum, cetera entia ab alio, hoc est à Deo ipso tanquam à causa debent existere. Quo pluralitati entium à se, atque adeo Deorum, locus precluditur. Concluditur tandem, ex eo, quod Deus in omni serie prioris, & posterioris secundum naturam sit ens perfectissimum, atque adeo simpliciter primum, necessario inferri, esse ipsum unicum prorius Deum.

Octava ratio sumenda est ex predicato finis; perfectissimè ultimi, quod Deus titulo talis non minus citra dubium debet habere, quam praedicatio principij perfectissimè primi. Sic enim ad perfectionem principij primi spectat, non solum, quod non sit ipsum ab alio principio, sed etiam, quod sint ab ipso exteris cuncta: quo pluralitati entium à se, atque adeo Deorum, locus manet preclusus, prout constat ex iam dictis. Ita pariter ad perfectionem finis ultimi spectat, non solum, quod non sit ipsum propter alium, sed etiam quod cetera cuncta sint propter ipsum. Quo etiam precluditur locus pluralitati Deorum. Quia non potest non esse unicum id, quod ita propter nullum aliud est, vt cuncta alia sint propter aliud. Hac enim duo non posse conuenire pluribus entibus, compertum est.

Nona ratio. Necesitas in essendo sequitur; perfectionem essentiae: quia vnumquaque, quod melius, sive perfectius est, non potest non habere eo maius essendi meritum. Ob idque necessitas, quam Deus habet ad essendum, infinitè maior est omni alia necessitate: quia perfectione essentiae Dei omni alia perfectione infinitè est maior, prout constat ex doctrina tradita supra disp. 3. quæst. 3. Itud autem verissimum principium stare non posset, si plures essent Dij. Ergo non sunt plures, sed prorsus unicus. Probo minorem, quia sola indiget probationem. Quia, si essent plures Dij, aggregatum eorum & esset ens magis necessarium in essendo; utpote magis perfectum, quam sanguini seorsim. Et non esset eiusmodi; quia nullum totum potest in essendo esse magis necessarium, quam sua pars; vt ex se, & ex demonstratis in Pharo Scient. disp. 11. quæst. 5. est evidens. Quia duo contradictionia sunt. Porro casu, quod darentur plures Dij, non posse non aggregatum

corum esse magis perfectum, quām singulos; tamē si aggregatum ex Deo vero, & creaturis non sit magis perfectum, quam Deus solus; est manifestum. Quia nullus eorum Deorum contineret in se eminenter perfectionem aliorum; cūm eorum causa non esset; vt Deus continet in se omnium creaturarum perfectionem, vt pote causa prima eorum.

³³ Decima ratio. Conceptus entis ab alio de suo evidenter est potens existere in unico tantum individuo. Defactoque exitisset, si Deus unicam tantum creaturam produxisset; vt plane potuit. Ergo potiore iure conceptus entis à se de suo evidenter est potens existere in unico tantum individuo. Satis enim clare exterminis ipsis appetet, non maiorem connexiōnem habere cum pluralitate individuorum conceptum entis à se de suo, quām habet conceptus entis ab alio. Ex eo autem, quod conceptus entis à se sit potens existere in unico tantum individuo, evidenter etiam infertur, illum necessariō existere de facto in unico tantum individuo; atque adeō Deum, cui talis conceptus necessariō, & existentialiter conuenit, unicum tantum esse. Nam conceptus entis à se alias item habet de suo, necessariō existere de facto, qua ratione est potens existere; vt constat ex doctrinā demonstrata de necessitate Dei, atque adeō entis à se supra disp. 3. q. 1.

³⁴ Undecima ratio. Etiam est de conceptu entis à se, atque adeō Dei citra omne dubium, quod sit sibi plenē sufficiens iuxta doctrinam statutam disp. 4. quæst. 2. & quod ad suam plenam, perfectamque beatitudinem nullius alterius boni, præterquām sui ipsius, indigeat possessione. Sed, si essent plures Dij, nullus eorum esset sibi plenē sufficiens, cum possessioneque sui solius summè beatus. Etgo, si essent plures Dij, & essent Dij, vt supponitur, & non essent: quia nullus haberet dictam Dei proprietatem. Quod est chymericum. Cetera conitant. Probo minorem. Quia, si essent plures Dij, summa bonitas, in qua consistit plena, & perfecta beatitudo obiectiva, per illos omnes esset omnimodis dispersa: quia, vt alias diximus, nullus contineret eminenter bonitates aliorum, vt pote quorum non esset causa. Nullusque subinde ad se perfecte, & plenē beandum esset sufficiens; sed aliorum bonitatum possessione, præterquām sua, necessariō indigeret.

³⁵ Duodecima ratio. Quemadmodum omnes, ens finitum necessariō debet esse ens ab alio tanquam à causā, à qua limitatur, & finiatur; ita quoque omne ens infinitum, quod minus sit alio quouscunq; ente infinito, necessariō debet esse ens ab alio tanquam à causā, à qua in sua infinitudine coarctetur, ne tantum sit, quantum est aliud ens infinitum. Omnis siquidem limitatio, seu coarctatio cuiusvis entis aliunde, quām à causā sui, prouenire non potest; vt latius dicemus inferius disp. 14. Igitur impossibile est, quod sint plures Dij. Probo consequentiam. Quia, si essent plures; cūm nullus contineret in se aut formaliter, aut eminenter perfectiones aliorum, vt sepe dictum est; minorem saltem infinitudinem haberent singuli, quām haberet aggregatum omnium. Singulique proinde essent entia ab alio, tanquam à causa coarctante perfectionem, infinitudinemque singulorum iuxta antecedens statutum. Alioquinque, vt si supponiuntur, essent entia à se. Quæ sunt contradic̄tio[n]es.

³⁶ Decima tertia ratio. Vel conceptus entis à se

se identificat sibi necessariō aut formaliter, aut eminenter omnem perfectionem excogitabilem; vel non; sed aliquam dumtaxat minorem omni. Si primum. Unicum tantum erit necessariō ens à se; atque adeō unicus tantum erit Deus iuxta argumentum, quod formavimus primo loco: quia omnis alia perfectio distincta ab ipso, vt pote contenta in ipso eminenter, non poterit non esse ab ipso tanquam à causā. Si secundum, Conceptus entis à se cum quavis perfectione minore omni, saltem si infinita fuerit, coniungi poterit; quia non est cur potius eam hac, quām cum aliā quavis vel minore, ut maiore sit coniungendus: h[oc]que, vt sint plures entia à se, atque adeō plures Dij inaequales quoad perfectionem; & consequenter alij alijs maiores. Quod est impossibile. Quia eidens proprietas Dei est, quod non sit alijs maior ipso.

³⁷ Decima quarta denique ratio, etsi sit negativa, moraliter saltem conuinicit, esse unicum tantum Deum. Quia nimur, cūm sint argumenta ex vniuersitate rerum de prompta, quæ evidenter demonstrant existentiam diuinitatis, vt vidi mus disp. 1. quæst. 7. ne minimum quidem indicium est in totā naturā pluralitatis Deorum; potius non indicia modō, sed clara argumenta sunt, quæ ipsius diuinitatis, alias ex Mundi existentiā, gubernationeque demonstratz, ostendant vnitatem; vt constat ex dictis. Quinimo ipsa existentia Mundi, & gubernatio ordinatissima eius, quas experimur, semperque homines ab eius initio experti sunt, non tantum diuinitatem, sed vnitatem etiam Auctoris, ac Gubernatoris vnius adeō clare ostendunt, & manifestant, vt inexcusabiles fuerint ij, qui suis carnalibus passionibus irretiti, suisque vitijs obtenebri, & exæcati ab vnitate vnius verè Dei ad pluralitatem falsorum Deorum, inanumque simulachrorum per summam insaniam traduci sunt, vt satis aperè docet Paulus ad Roman. 1. dum ait. Reuelatur enim ira Dei de Cælo super omnem impietatem, & iniustiam hominum eorum, qui veritatem Dei in iniustia ditione: quia, quod notum est Dei, manifestum est in ulti. Deus enim illis manifestauit. Invisibilia enim ipsius à creaturā Mundi per ea, quæ facta sunt, intellecta conspicuntur: sempiterna quoque eius virtus, & diuinitas: ita vt sint inexcusabiles. Quia, cūm cognoscent Deum, non sicut Deum glorificauerunt; aut gratias eggerunt, sed euauerunt in cogitationibus suis, & obscuratum est insipiens cor eorum. Dicentes enim, se esse sapientes, bulti facti sunt. Et mutauerunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentum, &c. Quid ad rem aptius? His enim verbis factis clare supponit Apostolus iuxta notationem factam supra n. 15. sub finem, esse Deum unicum: vt sique ab hominibus ex creaturis cognoscibilem: tametsi multi ob insipientiam suam à suis vitijs oriundam circa hanc naturalem veritatem citra omnem excusationem decepti sint.

Omitto quasdam alias rationes, quæ ab alijs ³⁸ aliter formari solet ad nostram propositionem probandam. Nam vel in alias ex præcedentibus recidunt, vel parum efficaces videntur. Inférōque ex propositione.

Consecrarium.

Deum omnino unum, sive unicum,

39
pro-

prorsus esse, ratione naturali evidenter demonstrabile est.

Ita tenent pene omnes Theologi. Alen. Albert. S. Th. Scot. S. Bon. Henr. Egid. Richar. Duran. Heruz. Aureol. Mayr. Tolet. Marsil. Hispal. & alii. Quos referunt, & sequuntur Gillius lib. 2. de Deo tract. 3. c. 7. Fasol. 1. p. q. 1. ar. 3. & ibi Caiet. Zumel. Molina. Vaz. aliquip Thomistae vnamirer. Soar. disp. 29. Metaph. sect. 2. & 3. Smifing. tract. 3. de Deo vno. disp. 1. q. 1. & ceteri Scotisti. Recup. lib. 5. de Deo. q. 4. Fasqualig. tom. 1. de laica doctrina disp. 14. sect. 1. Quirós. tom. 1. de Deo in comm. art. 3. S. Thom. citati. Et ceteri communiter contra Ocham. Gabr. Adam. Aliac. Basil. & Maior. sententes oppositum apud Gilli. Fasol. & Recupit. vbi nuper, scilicet vnitatem Dei non esse cui-denter demonstrabilem ratione naturali.

40 Constatque imprimis consecutari ex illis Scripturæ locis, in quibus satis clare significatur, Dei existentiam ex existentiæ creaturarum evidenter demonstrabilem esse; prout vidimus supra disp. 1. q. 6. proposit. 4. Esse enim illis in locis sermonem non de Deo vñcunq; sed de Deo quatenus vñico, ipsorum contextus, & verba ibi recitata satis ostendunt consentaneæ ad notationem vniuersalem traditam supra in hac q. num. 15. sub finem.

41 Deinde constat Consecutarium. Quia aut omnes, aut plerque sicutem rationes, quas pro vnitate Dei congettus, demonstratiæ sunt haud dubie, vt quisquis probè eas intellexerit, & percalluerit, haud dubie confitebitur. Et quidem, aggregatum carum, tantam evidentiā saltem moralem inducere de vnitate diuinā, vt nullus intellectus illis instructus (ad huc seclusa fide) possit prudenter ei dissentire, indubitatele est.

42 Sed objici tamen potest pro Actuariis primò. Vnitas Dei est obiectum fidei. Ergo nequit esse obiectum scientiæ. Quia fides, & scientia componi nequeunt circa idem obiectum. Concesso antecedenti. Nego consequentiam. Et probationem. Aliqua enim scientia, & fides bene circa idem obiectum componi possunt; prout supra disp. 1. q. 9. ostensum est.

43 Secundo objici potest. In pluralitatem Deorum plerique ex nationibus ethniciis consenserunt. Ergo vnitas Dei sub evidentiā naturalem non potest cadere. Quia nequit esse naturaliter evidens id, quod contra plurimorum consensum est. Respondeo, eti in plerisque nationibus ethniciis in pluralitatem Deorum consenserit imperita plebs; Sapientes tamen, & peritos semper Dei vnitatem cum evidentiā cognouisse, iuxta dicta num. 17. Quod satis est, vt illa respectu eorum, atque adeo etiam abolutè dicatur esse evidenter demonstrabilis ratione naturali. Praterquamquid ne ethnicon quidem plebs pluralitatem Deorum, de qua impræsentiarum sermo est, scilicet eniūt à se, sed aliorum emenitorum numinum est venerata, sicutem vt plurimum; prout supra num. 10. notatum est.

44 Tertiò objici potest. Vnitas Dei neque est demonstrabilis à priori: quia nulla datur causa eius. Neque est demonstrabilis à posteriori: quia pluralitas effectuum, qui dantur, non potius vnicam, quam plures causas sui notificat. Ergo nullo modo est demonstrabilis. Respondeo, ex pluralitate effectuum, ex modoque productionis, ac gubernationis eorum à posteriori demonstrari. non solum causam primam eorum, sed etiam

ipsius vnitatem. Semel autem demonstrato p̄ effectus in causâ primâ prædicato entis à se, ex hoc prædicato euidentius, & à priori (non quidem physicâ, sed metaphysicâ prioritate) demonstrari tum immediatè, tum medijs alijs prædicatis patiter demonstratis ex illo ipsius cause prime vnitatem; prout in demonstrationibus supra factis cernere est.

QVÆSTIO III.

Vñrum unitas numerica conueniat
Deo.

SVppono priuò ex dictis q. 1. Deum vnitatem ⁴⁵ transcendentali propriè esse vnum in natura; sicut & cetera entia individua, quatenus est ens indistinctum in se in plura talia omnino, qualis ipse est. Ita ex communi Theologorum docet Fasol. 1. p. q. 11. art. 3. dubit. 2. quidquid apud ipsum dicat landus, vnum de Deo, & alijs entibus non dici, nisi aquiuocet. Vñrum autem Deus in hoc, quodd est, transcendentaliter esse vnum, conueniat cum alijs entibus vniuocet, an tantum analogicè, quæstio est communis huic prædicato, & alijs, qui simili de Deo, & de creaturis verè dicuntur. Circa quam, quid si sentientia, constat ex vniuersali doctrina traditâ à nobis latè in Pharo Scient. disp. 17. q. 8. & 21. & tacta supra disp. 11. q. 5. que ad rem recognoscenda est.

Suppono secundò ex dictis etiam q. 1. vnitatem numericam, quæ principium numeri dicitur, supra vnitatem transcendentalem solum addere respectum mensuræ ad mensuratum, & partis ad totum; quatenus numerus vnitate, seu potius vno est mensurabilis, ex vnitatisbusque, sive vnis compositus est.

His positis. S. Bonav. Egid. Henr. Ricard. Scot. Aureol. & Basil. apud Fasol. vbi supra dubit. 3. negant vnitatem numericam conuenire Deo. Id quod etiam sentiunt aliqui Patres. Nam Basil. epist. 141. quæ est Apologia ad Cæsarianos, circa principium ait. *Nos vnum Deum non numero, sed natura conſitemur.* Russin. in expositione Symboli super illa verba, *in vnum Deum,* inter opera Hieronymi, docet, Deum non vnum numero dici, sed vniuersitate, id est, qui propter eum dicitur, quod alius non sit. Ambros. lib. 8. in Lucam. ad illud cap. 18. *Nemo bonus nisi solus Deus,* ait, *Deus vnum est, non vnum è numero:* ita & Dei Filii quasi vniuers exceptus est, non quasi vnum ex multis; & vniuersus est, non vnum ex genitis. Angelorus in lib. 1. Reg. cap. 1. *Vnus,* inquit, appellatur Deus, non de numero. Et Glossa ordin. in illud lib. 1. Reg. cap. 1. *Fuit vir vnum,* Loquens de Deo ait, *Qui bene vnum, non numero, sed quia nunquam nascitur, nec à se aliter efficitur Deus.*

Sunt tamen & alij graues Theologi, qui ⁴⁸ Deo concedunt vnitatem numericam, vt S. Th. Alen. Mayr. Durand. Argent. Capreol. Arimin. & Marsil. apud eundem Fasol. ibid. n. 13. quos ipse sequitur.

Cæterum controversia hæc facilimè sedatur ⁴⁹ componiturque distinctione adhibita. Si enim vnitatis trancendentalis Dei cadat supra prædicatum Deitatis, in quo Deus cum nullo alio, ente possibile conuenit; vnitatis numerica vt sic dicenda non est: nec Deus ab illa dicendus est vnuus numero.